

IKALA WASHINIINWA PE LESA



Kabiji Patangwa bino:

Pankapo Elaija mwina Tishibe, wajinga... wa mumuzhi wamu Gileada, wamwambijile Ahaba mba, Monka mwaikajila YEHObA Lesa wa Isalela nabumi, yenka ye Nyingijila, kechi kukekalapo kime nangwa mvula muyoino myaka isatu ne, poso najiwi jami.

Kabiji jiwi ja YEHObA jaishile kwiaye, mba,

Fumako kuno, uyenga kumusela, ukafyame kukakola ka Kelita—Kelita, (Natazha mukuba mba) kanji kumusela wa Yondano.

Kabiji kikekala, mba obewa uka tomanga munkokaka kakola; kabiji Nakambizha ba bikwangala kukujishanga...

Kepo ayile ne kuba moka mwaijile jiwi ja YEHObA: waile nekukekala konka kukakola ka Kelita, kaji kumusela wa Yondano.

Kabiji babikwangala bamuletejilenga shinkwa ne nyama lukeelo, ne shikwa ne myama mabanga; kabiji watomenenga meema mukakola.

Kabiji pakupitapo moba, aka kakola kaumine, mambo kechi mwajingapo mvula mu kyaalo ne.

Pokapo jiwi ja YEHObA jaishile kwiaye, mba,

Imana, ne kuya ku Zalefwata, wa ku Shindona, ukekaleko: mambo, Nakambizha kala mwanamukazhi wafwilwa wakookakwa namba akakujishenga.

Kepo aimene nekuya ku Zalefwata. Kabiji byo afikile kukibelu kyansakwa ya muzhi, talwi, wataineko mwanamukazhi wafwilwa ubeena kutolaula nsala: kepo amwambijile, amba, Ndetelepo, Nakusashijila, tumeema pa nsanyi, Ntome.

Ponkapo byo akiyilenga mba nkalete meema, wamubijikile, ne kwaamba mba, Musendelepo ne kashinkwa mu kuboko.

Kabiji mwanamukazhi wamwambijile mba, Monka mwaikajila YEHObA Lesa wenu na bumi, kechi Nasokapo nangwa kacheche ne, kanatu mukono umo wabunga buji mu kalondo, ne tu maanyi tucheche tuji mu botoolo: kabiji, pano, Mbeni kutolaula nsala ibiji, namba Ngye nakwituteka twami amimwine ne mwaanami wamulume, tuje, nekufwa tufwe.

Kepo Elaija amukumbwile mba, Kuchina ne; yainga mukobe monka momwaambila: patanshi mukungubilepo kamo kashinkwa, mulete kwi ami, apa mino mutekenga kenu anweba bene ne . . . mwaanenu.

Mambo YHOBA Lesa wa Isalela waamba bino amba, Muaka kalondo bunga kechi bukapwamo ne, nangwatu mu botoolo wamaanyi kechi akapwamo ne, kufikatu ne kujuba joakatuma mvula YHOBA pano panshi.

Pokapo wayile mukachi ne kuba monka mwamwambijile Elaija: kabiji awa mwanamukazhi, ne Elaija, ne bamunzubo yanji, bajilengatu moba avula.

Ne bunga mukalondo kechi bwapwilemo ne, nangwatu maanyi mubotoolo kechi apwilemo ne, monka mwaambile jwi ja YHOBA, ajo jaambile Elaija.

Pa byakwamba lukeelo luno, nsaakyangye kuya kubushiya bwa tulunga twameena, Nansala muntwe wabyambo, uji bino: *Ikala Washiniinwa Pe Lesa.*

² Kabiji pano, Nkambo, peshai Kyaambo Kyenu byo Kibeena kuya, kabiji mba aye Mupashi Wazhila akwate maana etu ne milangiluko yetu, nekwitunengezha kulupepu Lwanji, byonka byo twamwipuzha Aye mba eeye. Pakuba kechi twiya ku nzubo ya Nkambo amba betumone, nangwa mba tukamone, kana mukuba mba tufujishiwe kwi Anweba, ne kuyuka musango Wenu, ne mashinda Enu, kabiji ne byatongolwa Byeenu, pakuba mba tukumanye makatazho amu bumi bwetu, nsaatuji naluketekelo, byo twaikala bashiniinwa pe Lesa. Kinswishayi kye, Nkambo. Mu Jizhina ja Yesu motwalombela kikye. Amena.

³ Lwajinga lukeelo lulengesha mooyo. Kwajinga kwankaba ne lukungu, kabiji bantu bajinga mu mukwaakwa, kwakubula byakuja, kabiji kyaalo kyakabile bingi kufika ne pakipimo kyakupya. Abye byonse byafumine mu bubi bwabo ne byubilo byabo bya bubipisho.

⁴ Mwamona, Ahaba yewanjinga mfumu mu—mu Isalela, pakyokya kimye, nangwa mba mu Isalela yense, kabiji aye yewanjinga wankila pabubi pa bama mfumu bonse bamu Isalela. Kechi kwajingapo mfumu wakijile mububi nobe Ahaba ne, mambo aye, wafujinshiwe kabiji wayukishetu bulongo, aye kechi walekele kufichisha Lesa pamuchima pa byonse byo aubilenga ne. Nangwa wanjinga namazhita akatampe, kabiji ne bantu bajinga bingi na bunoshi mumoba anji, bino, nangwa byokabyo, kechi wakonsha kufichisha Lesa pamuchima kabiji keuketeketele kwikala na mutende kimye kyabaya ine.

⁵ Kabiji pano, mumasongola anji, kimye kyakuba mba asongole mu bankwaanji, wayile wakasongola ndengamambo, upopwela bankinshi, bupopwenshi bwabankinshi. Aye wasongwele Yezebeli. Kabiji kechi wajinga waitabila ne.

6 Kabiji waitabila kechi asongole wabula kwitabila ne, nangwatu kiikale byepi. Bafwainwa kimye kyonse kusongola baitabila.

7 Pakuba Ahaba waubile akye kiintu kyantama. Bino kechi kyakuzhinauka ne Yezebeli wanjinga mwanamukazhi walamba bingi. Kabiji aye wakomokeleko mwekelo yanji, mukifulo kya byubilo byanji. Kokuba mba bantu bamvula bingi boba kilubo kimo ne binji buleelo.

8 Kabiji waletele kupopwela bankinshi mu kyaalo, munkachi ka bantu. Pakuba bantu, bang'anga, ne bamingilo babo, neabo bakookejile nkebelo yabantu bamvula.

9 Kabiji kyo kipikichala kiji mukyaalo kyentu buleelo. Twaponena munkebelo yabantu bamvula. Kechi kyakuzhinauka ne kyakuuba mba bang'anga balangulukile mba kiikekalatu bulongo, kinkuulutu kafulumende wabo wikinswisha. Bino Amiwa kechi nantako muchima nangwa kafulumende wikinswisha ne, kyafwainwa kwikala akya kyanswisha Lesa. Kabiji bantu baketekejile mba kikekalatu bulongo umvwe babikamo bintu byabo bya muntanda.

10 Pakuba umo wafwainwa kukeba mba Mbwele panyuma pakintu kyo naamba, bino akye ke kipikichala kyabuleelo. Kuuba twalanguluka mba tubena kupopwela bankinshi ne, nanchi byo byontunji. Kabiji ne kafulumende wikinswisha kye. Bantu leelo ke bapopweshi batulubi, mambo abo—abo bapopwela tulubi. Bamo mwiabo bapopwela bankaya bisela byamafiilimu, kwikala ke tulubi. Bakwabo bapopwela mali, kwikala ke tulubi. Kabiji bakwabo bapopwela bankaya bisela byama televizhoni, kwikala ke tulubi. Okao mambo kyonse kitangila palutwe ya Lesa kekalubi, nangwatu kikale kyamusangoka.

11 Ne kwi Satana, mulwanyi wetu mukatampe, aye wajimuka bingi, kufika ne pakubika, kimye kimo, kipwilo kumeso akwa Lesa. Wakonsha kwikala na kipwilo kikatampe. Kya konsha kwikala kinshimikwa kikatampe, nangwa yakonsha kwikala dinominesheni ikatampe. Kabiji, ne jikwabo, kya konsha kwikala kipwilo kikatampe, bino kunswishapo nangwa kintu kimo kwiya ku meso a Lesa ne, mumuchima obe. Kintu kiji kyonse kikala pakachi kumeso a Lesa, ke kilubi.

12 Kabiji aabo bantu baayukile mba tukiji ba bumupashi byoka byo banjinga panyuma, mukimye kya ba mamfumu bakwbo. Kabiji baalangulukile mba, mambotu akuba mba bajinga kyaalo kya bupopweshi, amba bintu byonse bikekalatu bulongo. Kabiji neatweba poopa kifulo kimo kyo twafikapo.

13 Bang'ondo bamo bapitapo kunyuma Naambilenga na mulunda nami wawama. Neaye waabile mba, "Mulongo Branham, Naketekela mba kino kyaalo kya Unitend States

wikyambila bingi.” Aye waambile mba, “Kimye kyonse wambatu pa bubi ne pe Lesa byo akamanyika kino kyaalo.”

¹⁴ Naambile mba, “Aye wakonsha kwikyuba, pakubamba ekale waoloka.”

Aye waambile mba, “Bino, Mulongo Branham, walubako mba kino kyaalo kyatatwijile pa Binembelo. Byokabyo banshakulu bentu bayishile kuno, ne Lesa witupele buno buswanyi. Kabiji twi kyaalo kya bupopweshi.”

¹⁵ Naambile mba, “Akyo kine, kyonse kyo waamba. Kabiji kapaji nangwa umo wayuka byo Nsachila kino kyaalo ne! Bino, talai, mulongo wami, Isalela wajinga wasalululwa na Lesa, ne kwi Batumina bangauzhi babo ne bantu bayakuwa. Pakuba Lesa kechi unswisha bubi ne. Aye walengejile Isalela kunowa lukunwa uji yense ye babyanjile. Kabiji inge walengejile Isalela kunowa kyonse kyo babyanjile, Uketulengela atweba kunowa kyonse kyo tubyala. Aye kechi unemeka muntu ne.”

¹⁶ Kabiji twafika pakifulo kyakulanguluka mba mambo twaimena pabyaubile banshakulu bentu, nangwa twaimena pabakatampe batatwile bipwilo byetu, pa kwipanyinsha kwabo kwi Lesa, akyo kijitu bulongo kabiji ke kya kunsachila bingi, pakuba kechi twakonsha kutambwila lupulukilo pa byo baubile ne! Lupulukilo ke kintu kya pamuntu buuke bwanji pakachi nkanji ne Lesa. Kechi na kyaalo kyetu ne, na kipwilo kyetu ne, kana atweba beene kumeso a Lesa, momo tutambwila mukumbu.

¹⁷ Kyafika pakifulo mu kyaalo kyetu, kyakuba mba mukachi ka bantu babumupashi botuji naabo, waaya ku banabalume babumupashi ne banabakazhi, kabiji mwantaana mumichima yabo mujipo kintu kimo kyabujilamo.

¹⁸ Twajinga, mumilungu icheche ya pitapo, Nabapitulukengamo mubibye bintu bimobimo, kabiji pakuntana mba mubanabalume bamo abo bo Nalangulukile mba boobene babulukunwa, bino Nantana mba babena kukonsesha bintu bya kakimye kacheche, babeena kupitamamo nakwaamba mba, “Lesa waampa kyakila mukubaya *bibi-ne-bibi*. Lesa waampa. . .” Obewa ubena kubepatu.

¹⁹ Bintu bikatampe bya kumubiji kechi kimye kyonse bintanwa mukyanswa muchima wa Lesa ne. Lesa unonkesha mvula pa baoloka ne pababi. Pakuba kibeena kukebewa pano pantanda leelo kechi ke lwitabilo lwa kwijimbaika ne, kwijimbaika obe mwine mukintu kimo nekwikitela mba kya bumupashi.

²⁰ Kimye kimo lwitabilo lwakonsha kuuba byankukumya bikantampe, bino nangwa byokabyo kechi kyafuma ku muchima wa bumupashi ne. Nanchi Nkambo yentu ke waambile mba, “Bavula bakeya kwi Amiwa, pajoja juba, ne kwaamba mba, “Kechi Naubilenga *kikye* ne *kyokya*, mu Jizhina Jenu nenyi?” Kabiji Ke bambila namba, ‘Mfumai kwi Amiwa, anweba bakuba

bubi.” Nanchi bunguba bubu bobuka? Ke kintu kyo wayuka kuba mokyaolokela kabiji ne kwikyuba ne. “Amiwa kechi nemuyukilepo ne,” Aye byobyoyo akebambila. Kabiji tubeena kwikala mujoja juba.

²¹ Kyo tubena kukeba leelo kechi bintu byavula bya kumubiji ne. Abyo tunji nabyo. Kechi tubeena kukeba bipwilo bikantampe ne. Kechi tubeena kukeba kupwila kukantampe ne. Kechi tubeena kukeba bavula pa waileshi nepa televizhoni ne. Kechi tubeena kukeba byavula bya mubibye bintu ne. Pakuba kyo tubeena kukeba leelo, ke kwikala bumupashi, ke booba bantu be keepesha kumeso akwa Lesa, inge kechi banji na jali ne, bino bakalomba kyakuba mba awa mupashi mwiaabo wayula nabuwame bwakwa Lesa, kabiji ne kusangululwa kwa mweka mukachi ka muchima wabo, akyo kyo kileta lupipu mu byubilo byabo ne musango mobekela.

²² Kapapo kechi muji nakwabilo kumaulu enu ne, mwakonsha kumvuala misakila, bino kujipo kintu kimo mumuchima kiimba bya kimeenge kya Lesa. Kyawama ne kwikala nakyo kukila mali onse anji mutanda.

²³ Nanchi kuuba mwaamba mba bintu bya kumubiji kimye kyonse kekiyukilo kya mapesho akwa Lesa ne. Davida waambile kyokyo kwi Nkambo, amba wamwene babi baamwasha byabo. . .nobe kinchi kikantampe kya kukintulu. Pakuba Lesa wamwipwizhe mba, “Nanchi mwamulangulukapo kumpelo yanji nyi?” Nangwa tumvwale bya kumvuala byawama byeepi, ne kanjo kotwafwainwa kunja, abyoyo kechi byobyoyo itabilwa kumeso a Lesa ne. Awe mubiji mootwikala, oonaika, nangwa mumulamawizhe byeepi. Pakuba ke mweo unji mu muntu; ke musango wa mupashi ye wiya Mukyenyi kya Lesa mumi.

²⁴ Pakuba tunsenda bintu mukwibipeezha. Tulanguluka mba mambotu twi kyaalo. . .Nanchi byo byanjinga Ahaba ne Isalela yense, muoa moba, bansendele bintu mukwibipeezha, amba bintu byonse bijintu bulongo. Bang’anga babo ne basapwishi baesenkele kwibabula, “Byonse bijitu bulongo. Byonse bya wamatu.” Bino bajinga naumo, aye wibakalukijile pabitu byantama, mambo awe umo wayukile mba Lesa wazhila kuba waumvwa bulongo nangubilo yakantaataka ya bupopweshi bwabula kuzhila ne.

²⁵ Nanchi Lesa wa Mwiulu ujitu musango umo nebuji leelo. Muyonse ngovu yentu ne bintu bikantampe byo tubeena kwenseka kuba, Lesa kechi bikamutokeshapo pa muchima umvwe bumi bwetu kechi bwa tokeshiwa kumeso Anji ne.

²⁶ Twakonsha kunshimika ma sukuulu, ne mampuzha otwazhijika, ne mateente akupwijilamo. Twakonsha kwikala na bimpamo byanyingijilo. Twakonsha kuba bintu bikantampe, nangwa byokabyo Lesa kechi bimumvwisha bulongo ne posotu mweo wa muntu waikala wantokeshiwa pa kitapisho kya kwa

Lesa, wanzhijikilwa kwingila mingilo ya Lesa. Pano abyo ano moba kechi bimweka ne.

²⁷ Mutaana pwijilo yentu yamilombelo iji yankooka, noobentu mineti umo wamilombelo, wantolokela pa mwaanya. Tuntaana kubamba akyo kyubiwa jimo nangwa jibiji pajuba. Pakyokyo, atweeba bonse twazhatwa. Kyaalo kyentu, mwaila byubilo, bibeena kuya nakubola. Tunji naba Billy Grahams neba Oral Robertses koonsekonse. Kanatu mwaiya kilaka mu muchima wa America, pakubamba abwezhiwe jibiji kwi Lesa wa bumi, bwikalo bwa kumukumanya, ke lwitabilo lubula kufwa lwa mwi Lesa wabumi, tuubena kumpumatu kubongo bwetu, noobe byo kyakonsheka kwambiwa, ne kuletwa.

²⁸ Twakonsha kwenda na nkyaji kyalupuka, na mantenenshi entu abwela panyuma, ne kwenda mu munkwaakwa, ne kunkabila kutelwa mba “Dokotala” nangwa mba “Levalandi.” Twakonsha kwikala kafunga wabipwilo bikantampe bijimo mutanda, kabiji twakonsha kumweka kwikala na buzhile bwaabaya, kyakuba mba kafwako muntu wakonsha kuntongola munwe pa bumi bwentu ne. Posotu awa mweo unji mukachi kentu waambula mujilo pe Lesa, poso kintu kimo moomwa, akwa kumunkabila Aye! “Noobe byoka awa muchima byo omvwa kipefu kyakunkeba meema aku kakola, mweo wami umvwa kilaka kya Anweba, Anweba Lesa.” Kanatu twaikala na kya kumukumanya kyayuwe musango!

²⁹ Okao mambo, komyunizimu, ne bikwabotu, bikenkalanga nalubANJI lukantampe byoka byo kibena kubiwa, kabiji ne kutolamo lubaji kwetu konse kootubeena kuba kechi bukekikanya ne. KyatongwejiIwe jimo kwiya. Bino Lesa ubena kwita ku Kipwilo Kyanji.

³⁰ Kinji byepi kyakuba mba awa mwanamukazhi wakamubiji kacheche waikala nakyokya kipimo kyakwa Elaija! Mambo, kimye kyonse byubilo byobe bimweesha byo unji. Kabiji, nejikwabo, wansalulwilwe kwikala wakuntambulwila ngauzhi wa Lesa. Vulukai, wajinga mu Gentila, kechi Muyudeya ne.

³¹ Kabiji ntanda yajinga ya nkaba. Kabiji kechi kyakuzhinauka mba awa mwanamukazhi wakamubiji kacheche, byo anjinga wayewa musango, kwikala mumusango wabaitabila. . . Mambo twamona mba Lesa kuba wamwinta ne, inge kechi wanjinga wafikilamo kutambulwila ngauzhi wa Lesa ne. Mambo Aye inge kechi watumine ngauzhi Wanji ku nzubo yaabula kufikilamo ne.

³² Kechi kwajinga kusalulula kwanji ne. Kyanjinga kusalulula kwakwa Lesa. Kechi wajinga aye wamutambulwijile ne. Ke Lesa wamutambulwijile. Aye wamubikile ku kakola. Ba bikwangala bo bamujishishenga. Kyajinga kukambizha kwa Lesa pakuba mba kintu kimo kimweeke. Kabiji Lesa waile kuwaitabila unji namusango umo yeka wakwa Elaija.

³³ Aye wajinga mwanamukazhi mukafwilwa. Kabiji twayukishatu bingi awa mwanamukazhi, mwanamukazhi mukafwilwa, byo apichilemo, byo ajinga na mulume wanji wafwa kabiji nena songwalume wamuचेचे wakukomesha.

³⁴ Kabiji nemuyoya ntanda kookwa, abo bwikalo bwabo bwaikajiletu pabijimwa byabo. Kechi banjingapo namintachi ayo yotujipo nayo leelo jino ne, kabiji—kabiji kechi kwajingapo ngubilo ya kupana bunkikizhi ne. Abo baketekejiletu mubijimwa. Kabiji namambo amizhilulwila ya bantu, ne byubilo byabo byaabubole, kyaletele kubula mvula pantanda, apo bonse bafwilenga nzala ne kufwa.

³⁵ Kabiji twantana kubamba kechi kyaluzhinauko mba walombelenga kilabufuku, bufuku bonse, byo atatwile kumona mba bunga mukalondo bwailenga nakupwa, panshi, panshi. Kabiji kyailenga kukipimo kya kubamba kechi kwajingapo ne kaapu mukwabo wayuula wabunga mukamulondo ne. Wajingatu na kamunkono ka kacheche. Lufu lwaashilengatu peepi nakibelo kyasakwa, pokatu pakibelo kyaanji. Mambo kechi kwajingapo jishinda jikwabo jakumwenamo bikwabo ne. Kyaalo kyonse kyafwilenga nzala.

³⁶ Kabiji, ne maanyi, ajingatu munjisho umo wayuula washajilepo mubootolo. Aa oka maanyi ne aabwa bunga popaimenejile pakachi kabumi bwanji ne lufu. Aye ndombelo yanji yafwanyijilwe kwikala na bunkishika. Leekai kyokyo kyafika mu nzubo yenu, kikalengela kwikalako babunkishika kukila byontuji lukeelo luno, inge mwaayuka mba lufu lujitu pa kibelo.

³⁷ Kabiji Naketekela, kaampe, twakonsha kulanguluka, kaampepo, akye, amba aye walombele bufuku bonse, pakuba juba jimo byonse bya kumbwilwe. Aye wamwenenga pakutala pamivumbo yantubuluka ya songwalume wanji wamyaka isatu nangwa myaka iina. Kabiji wakonsheshe kumona bikupa byaaji saabibena kunyonga, ne misunyi byo yafuminenga kubikupa. Kabiji kyajinga kintu kyatama bingi, awe nsemi, pakumona bino bintu saabibena kubiwa. Pakuba, nangwa, maboko anji asutulwa kwi Lesa, na kulomba bufuku ne munte, “Pano twafika kumukono umo wabunga ne mujisho umo wayula maanyi.”

³⁸ Mwayuka, kekitu kyeenyi. Aye Lesa alengele kikye kikale mwianweba bonse, inge kechi mukang’umvwapo kusapwila jibiji ne. Lekai kino kikale ke mbila. Ke kyeenyi, kyeenyi kikantame, abyo Lesa byobyoo bintu kimye kimo.

³⁹ Mwayuka, umvwe twisolola mambo etu ne kufikilamo mukebelo yonse Lesa yoakebelamo...Byo twaitabijile mwi Lesa. Kujipo biitu bimo byafwaina kufikilamo, kabiji kiji na mwaila kyaswa Muchima wanji. Kabiji twisolola mambo etu, ne kuwamisha abya byonse byantama byotwabile, kiji bulongo, twauba bintu byonse byo twayuka kuuba. Kyonse kikebewa

kyoabikako Lesa, nagwa kyoaipuzha, twafikilamo mubyobyabikebewa, kabiji nangwa byokabyo Aye uzhindamatu. Aye kechi uketukumbula ne.

⁴⁰ Njina luketekelo mba mbeena kwaamba kubantu, lukeelo luno, abo bafika pa kikye kipimo. Nafikapo, bimye byamvula, amiwa mwine. Inge Nabwela panyuma ne kumona mubumi bwami kabiji nekwalumuna jibwe jonse, kabiji Nantana kubamba Nauba kintukimo kyantama, Ngya na kwikisolola ne kwaamba mba, “Nkambo Lesa, Kekylluba bulongo,” nekuya nakwikyuuba. Apo pombwela jibiji ne kwaamba mba, “Pakuba, Nkambo, Anweba mwi Lesa; Musakukumbula. Kiine Nafikizha abyayonse byo Mwakebejile amiwa kuba. Kabiji kyonse kyo mwakebejile, Nekifikizha.” Nangwa byokabyo Aye kechi ukenda ne, umweka nobe wazhindamatu, apo ipo pomukayuka kine amba Aye ye Lesa. Kechi mwiibwelele ne. Kintutu, ke kyakuba mba, mumuchima obe, kwikala wakubula kumuzhinauka aye Lesa.

⁴¹ Lwaami lufujisho. Ikala washiniinwa, patanshi, saaukyangye kuuba kinji kyonse. Ikala washiniinwa, mu muchima obe, amba ye Lesa. Kabiji umvwe waafikizha byonse byoamba Aye, apo pomukayuka mba kine Ye Lesa, apo lwitabilo polwingila, pokapatu. Lwitabilo lwimana kwakubula kunsukena, mambo lwayuka mba Aye iye.

⁴² Kabiji wakumanya kyonse kikebewa. Waketekela mba Aye yeiye, ne lwitabilo lwimana kwakubula kunsukena. Oo, jitotwe Jizhina Janji! Lwitabilo kechi lusukeena ne, mambo alo lwitaba mba Lesa iye, kabiji mba yeufweta aba bamukebesha Aye.

⁴³ Akye kiye nepanshi peene kabiji kechi kifume peanweba ne, Branham Tabernacle. Inge wafikizha byo ankeba Lesa, kabiji mu muchima obe waketekela mba Aye mba ye Lesa, Pakuba Lesa ubeena kwesekatu lwitabilo lobe, mambo Aye watemwa kuuba kyokyo. Wisolola bubi bobo kabiji wafikizha byonse byoakeba Lesa, kabiji Aye watwajijilatu mukuzhindama, nvulukai, lwitabilo lwaamba mba Aye iye. Nachi apo lwitabilo polukwata, kwakubula kuyuka ne byokinji ne, bino alo luyuka mba Aye iye, kabiji lwaketekela mba Aye iye.

⁴⁴ Pano, nvuluka, inge Aye iye, Byaambo Byaanji byafwainwa kwikala bya kine. Kabiji inge Aye wakukebejile obewa kufikizha byonse bye, kabiji byobyo waubile, Aye wafwainwa kulamawizha Kyaambo Kyaanji. Kechi wibwelele ne, ne kwamba mba, “Kyawama, Amiwa kechi nabukilwe ne. Ami . . .” Oo, obe kamulanda, lwitabilo lwaakoka. Kechi witabile kyokyo ne. Inge byonse bya sololwa, kabiji byonse byafumamo, kabiji wafikizha bikeba Lesa, lwitabilo lukwachijila pokapa. Kapajipo nangwa kintu kimo kyakonsha kwilusukanya ne. Aye iye, kabiji wanshininwa. “Mambo bonse bapembelele pe Nkambo bakabwezhiwamo bulume; bakantumbuka pa byapi

bya mpungu. Bakanyema ne kukoka ne; inge baenda, kechi bakapungila ne.”

⁴⁵ Pembelela, inge wakumanya nkebelo Yanji. Akyo kileta lwitabilo lobe pa kubekya. Inge wakumanya. . . nkebelo yakwa Lesa wiifikizha, nangwa wiyikumanya, kabiji wapitulukamo kwikilangulakapo, kabiji wauba kiji kyonse akyo Lesa kyoakukebejile kuba, apo lwitabilo lobe polutana kukonkoloka, amba Aye iye. Ikala washiniinwa pe Lesa.

⁴⁶ Mwayuka, Aye watemwa kwitwenseka. Aye ukeba kumona kumbwilo ya lwitabilo lobe. Bushe mwikiyuka nyi amba? Lesa ukeba kumona mowakosha kubila. Inge waamba mba, “Anweba Nkambo, Nemuketekela Anweba. Anweba yenu Mupulushi wami. Amiwa naketekela mba Anweba yenu Ubuka. Naketekekela mba Anweba Yenu Mupana Mupashi Wazhila. Ne bintu byo Mbena kukabila, Anweba yenu Lesa Ao upana byobyo.” Nanchi pano inge wisolola bubi bobo bonse ne kumulaya Lesa byo ukamubila umvwe Aye wakupa butuntulu, kabiji pano inge kyabula kumweka, wanyemena kutu kungi nobe wamoyo. Lesa kuba waingijisha kyokyo ne. Kechi pajipo jishinda Aye jo akonsha kubamba akwingijinshe ne. Kechi kujipo jishinda Aye ja kukupelamo mukumbu ne, mambo Aye ukumbulatu na lwitabilo. Nanchi, inge pokapotu, wafumako, ne Aye kechi wafwainwa kupana mukumbu ne. Pakuba lwiine, lwitabilo lwa kiine lwimana poka, saalwanshininwa mba Lesa iye. Ikala washiniinwa mba Aye iye.

⁴⁷ Kabiji umvwe Lesa waipuzha kintu mba kyubiwe, mba wisolole mambo obe, ne bikwabotu, kabiji wibyuuba, lwitabilo lwaamba mba Aye iye, lu nshiniinwa mba kinsakubiwa. Kukabila kobe kusakupewa. Oo, Ami—Amiwa naketekela mba kechi kimupite akye ne. Inge anweba mwanshiniinwa pe Lesa, Lesa waikala wanshiniinwa na Kyaambo Kyanji. Aye ubena kupembelelatu kwimweseke anweba.

Aye wikyubilepo bimye bya mvula. Twayai tuvulukepo kintu kimo nangwa bibiji.

⁴⁸ Twayai tuvuluke baana ba Kihebelu. Abo kechi bafwaijilwe kufukamina kalubi ne. Lesa wajinga na luketekelo mwiabo. Kabiji byo baumwine mba babena kuya mu kisha kya mujilo, abo baambile mba, “Lesu Wentu wakonsha kwitupokolola kuyuwe mujilo. Bino nangwa Aye kechi wikyuba ne, atweba kechi tunsakupopwela bakinshi benu ne.” Monai, bajinga banshiniinwa ne kumuketekela Lesa.

⁴⁹ Abo bayukile mba Aye wajinga Yehoba. Abo bayukile mba Aye ukumbula milombelo. Bino kwiabo nangwa Aye wikyuba, nangwa ne, kyajinga ke kya kubuwame bwabo. Nanchi abo balondolweletu, kwisolola bubi bwabo, ne kwiendela bene kuya kulufu.

⁵⁰ Kimye kyo bailenga kukisha kya mujilo, nsabayuka mba kechi tuji naluzhinauko ne, kyakuba mba, inge Lesa wibaleka baapya, Aye ukebasangula jibiji, mu lusanguko. Abo bajinga ba shiniinwa pe Lesa, mambo bayukile mba Lesa ukengila byonse bya kubuwame bwabo. Kabiji umvwe twaikala banshininwa pe Lesa, twayuka mba Lesa wingila byonse kubuwame bwetu.

⁵¹ Nanchi, bajingatu na ng'ambilo imotu. Bajinga banshiniinwa, ne kwenda beendjile bene kuya ku kisha kya mujilo. Kabiji Lesa wibalekele baenda bakafika kooka; baikala, nsaabena kwibatala. Wakebelenga kumona ngubilo yabo.

⁵² Kimye, aye mfumu kyoaambile mba, "Bushe mwajikufukama tolopita byoyakunjila nyi?"

Abo baambile mba, "Ine. Atweba kechi twajikufukama ne." Apa popanji lwitabilo lwenu, nsaalwakwachijila bulongo.

"Kyawama, nanchi inge kechi mwakufukama ne, mwayuka mukambizho waami nyi?"

"Ee, twayuka mukambizho wenu."

"Mukambizho wami ke wakuba mba kinsha kya mujilo bekikabinshe bimye sebeni kukila byokikala, kabiji popo Nsakwimutayamo. Pano mubena kukeba kufukamanyi?"

"Ine. Atweba kechi tusakufukama ne." Alwa lo lwitabilo lwabo.

⁵³ Lesa waamba mba, "Kyawama, Nsakumona byo basakuba pakikye. Nsakumona musango wabyubilo bya lwitabilo lwabo."

⁵⁴ Nanchi waambile mba, "Bankasayi kumaboko abo, ne kukasa maulu abo, kabiji ne kwibatwala kukinsha kyamujilo." Kabiji baendele kuya kukisha kya mujilo, na mujilo mubilungi byabo. Lesa saka akimanatu, nakutalapo. Bino abo banshinijilwe mba Aye ye Lesa. Abo besolola kala. Abo banengezhezhe bintu byonse bulongo, abyo byo bayukile. Bajinga banshiniinwa mba Aye ye Lesa.

⁵⁵ Nanchi baendele kufika nekokwa kukisha kyamujilo. Pookatu paampelo, apa po Aishile kwiya kufuma mwiulu, pa kalaki waamwela, ne kupempwila lubeebe lwa mujilo kungi, akwe saabena kwibapa lutekenesho kabiji akwe na kwisamba nabo.

⁵⁶ Lesa uleka lwitabilo lobe lwafika pakipimo apo po lwakonsha kwimwesa.

⁵⁷ Kabiji kwajinga Yoba, wa mu Lulayang'ano Lwakala, kimye Satana, mushinawinshi wetu, wamuzhachishe mba ulenga mambo abufyaafya. Pakuba Yoba wayukile mba kechi walengapo mambo ne. Aye wayukile mba wisolola kubintu byonse byo alubankenye, kabiji wapaine ne mulambo wakusoka. Ayo yoyajinga keebelo yakwa Lesa. Abo byo byoyoka Lesa byo

akebele, kyajinga awa mulambo wakusoka ne kwisolola kwanji. Kabiji Yoba waubile bibye bintu.

⁵⁸ Pakuba Satana waambile mba, “Nsakumusendela ba Ngamela banji, mambo ke muntu wabunoshi. Nsakusenda ne minkoko yanji.” Pakupezhako wasendele baana banji, booka ba pamuchima wanji.

⁵⁹ Nangwa byokabyo, Yoba waimenetu ngaa, mambo wamuyukile awa Lesa, kyawama, aye wanshinijilwe mba Aye ye Lesa, maambo wisambile Nanji, kabiji wafikizhizhe keebelo Yanji yonse. Wapalangwizhe ponse ponse nekutaana kuba mba, “Naapana mulambo wakusooka uji yese. Naambile mu muchima wami, ‘Kapepo baana bami babalume pa—pa kunengezha kinjiilo, ne baana bami babakazhi batanwako, kapepo balengele bubi kumbanji mumichima yabo, nanchi nsaakwibasokelako mulambo wabo ne kusashijila bilubo byabo.’”

⁶⁰ Anweba Lesa! Inge muntu walama bya mubuujile Lesa kuba, aye wanshiniinwa mba Ye Lesa, Aye wakonsha kupana mukumbu. Lwitabilo lumwita Aye pa kyokyo kifulo, kimye kyonse.

⁶¹ Umvwe mwauba kyo mwayuka mba kyaoloka, inge mwafikizha keebelo Yanji, inge mwisolola ne kwibylola, ne kwibibwezha bintu bulongo, ne kwibipana kumeso a Lesa. Amiwa kechi taako muchima ne nangwa Aye azhindame byepi, Aye ukijitu Lesa, kupembelela mba tubike alwa lwitabilo popa. Mwauba mingilo yenu, pano Aye uubena kukeba kumona lwitabilo lweni kupichila mumingilo yenu. Aye uubena kukeba kumona byo wakonsha kuuba.

⁶² Inge bakunshinga maanyi ne kukulombelela, Lesa upembelela byo usakuuba pakikye. Kechi kunyemena pamulungu uubena kwiya ne, kunyemena kujuba jakesha ne, kabiji ne kimye kinkeeya mukwabo ubuka byoakapita mumuzhi. Aye ubena kupembelela kumona byo wakonsha kuuba palwitabilo lobe. Kechi kubwela panyuma ne, juba jikwabo, ne kwaamba mba, “Naumvwa bingi bibi, Naamona kechi Nabukilwe ne.” Obewa kechi wafikilamo kwiya pamulaini wa kulombelela ne. Kechi wafikilamo ne. Kechi wafikilamo ne. Anweba kechi mwinengezha ne, ne pano. Obewa kechi waketekela mba Aye ye Lesa ne. Amiwa kechi . . .

⁶³ Wakonsha kwaamba mba, “Mulongo Branham, Amiwa kechi naitabizha byo ubena kwamba ne.” Byubilo byobe obewa mwine biswisha musango yeujimo. “Kubipangwa byabo komukebayukila.” Inge muntu waamba mba aye Mwinakilishitu, akwe saka atoma, ne kupepa fwanka, ne kuteya ngyuka, kabiji ne kwamba bisela byantama, ne kwaamba mba, “Lubaji lumo lwa Baibolo lujitu bulongo, pakuba lukwabo ne,” wakonsha kusapwila Mamboawama, ne kunkana lubaji lumo

Iwa Baibolo, aye ukiji ndengamambo. Aye kechi uji bulongo ne, nangwa byokabyo.

⁶⁴ Pakuba umvwe waamba patookatu mba Lesa ye Lesa umotu, kabiji ne bumi bobo bwaikala mumaboko Anji, kwikala, “Nkambo, Amiwa ne buchimba; Anweba yenu Mbumbi,” pano ipuzha kyoukeba. Lwitabilo kechi lukasukena ne. Lukemana pooka.

⁶⁵ Nangwa bintu bimo byakonsha kumweka kuponena ku kilunjo nangwa kukipiko, pakuba alwa lwitabilo kechi lusukeena ne, mambo obe wanshiniinwa mba Aye ye Lesa. Kabiji inge Aye ye Lesa, Ulama mulaye Wanji. Aye kuuba walaya mulaye kabiji wabwela waumulala ne. Inge ye Lesa, Aye wafwainwa kulama mulaye Wanji. Oo, Natemwa kyokyo. Aye wakonsha kwikala nakyo.

⁶⁶ Yoba wapaine milambo yanji; waubile bintu byonse. Aye wayukile mba ujitu bulongo. Kabiji kwaiya ba membala ba kipwilo, ne bamubipwilo bikwabo bya madinominesheni, waambile mba, “Yoba, wafwainwatu kwaamba mba ndengamambo, pakuba Lesa kuuba wakumanyika kyamusango iwe ne kanatu windengamambo.”

⁶⁷ Bino Yoba waambile mba, “Amiwa nesolola kala. Napana milambo ya kusooka kwi Lesa, kabiji Amiwa kechi ndengamambo ne.” Aye wayukile poaimejile. Nanchi bintu byonse byatwajijiletu, na kuya kabiji na kuya na kuya, sabiya nakunkoselakotu, nakukeba kuponesha Yoba, kabiji nekumuleta Yoba pakifulo kyakuba mba amunkaane Lesa kabiji ne kunkaana mulambo wakusoka. Awa yeka mineti ye ubilamo kintu kiji kyonse kyo wisolwelapo, kimwesa kunekena koobe, kumuzhinauka Lesa. Wamulomba Lesa kinji kyonse, kabiji sawenda nakwikizhinauka, nanchi obe wiwaluzhinako kechi wiwaitabila ne.

⁶⁸ Yoba wayukile poaimene, kabiji waimene kwakubula kusukeena pakyokya kitendekesho.

⁶⁹ Kechi kyakuzhinauka ne kyaambijile Perronet, pakimye nkyaji kyakufwa:

Pe Kilishitu, Jiibwe ja nkosa, po Naimana;
Ponse pakwabo pabipa.

⁷⁰ Pajoja jiibwe jankosa jakwisolola kwa Yoba, ne mutemwe wanji mukazhi naye wamushile. Kimye bututulu bwanji pobwamushile, ne bipute byakumbene mubiji yense, pakuba winshimwinenga aye mwine kabiji nekufinga juba jakusemwa kwanji. Waambile mba, “Kyawama juba kubula kunsama ne! Ne ng’ondo kechi akonshe kulupuka bufuku ne.”

Mukazhaji waambile mba, “Yoba, wayanda bingi. Kika kyakubula kumufinga Lesa ne kufwa ufwe?”

71 Aye waambile mba, “Obewa ubena kwamba nobe mwanamukazhi wabula maana.” Aye wanshinijilwe mba kuji Lesa, kabiji wafikizhe byonse byoakeba. Oo, Naumvwa kwikala bupopweshi. Aye wayukile mba wafikilamo mubikeba Lesa, kabiji akyo kyaaikajikile byonse. Lesa waesekelenga lwitabilo lwanji. Aye ukeseka lobe. Aye ukeseka lwami.

72 Bino inge twafikilamo mukebelo Yanji, “Lapilai anweba bonse ne kubatizhiwa mu Jizhina ja Yesu Kilishitu mululekelo lwamambo enu, kabiji mukatambula wabupetu Mupashi Wazhila,” ao ye mulaye Wanji. “Bushe mukachikenu mujipo wabela nyi, ete ba kulumpe bakipwilo. Balekai bebashinge maanyi, ne kwibalombelela. Lulombelo lwa lwitabilo lukapulusha wakolwa, kabiji Lesa ukebabushapo.” Akyo kyaikajika byonse. “Isolwelai mambo enu onse, anweba bene nabene, ne kwilombelela anweba bene nabene.” Mwafikizha keebelo ya Lesa.

73 “Biino biyukilo bikebalondelanga baitabila. Mu Jizhina Jami bakapangilamo bandemona; ba kamba najimi ipya; inge batoola milolo nangwa kuntooma bifwana, kechi bikebabeleka ne; inge babika maboko abo pabakolwa, bakapuluka.” Akyo kyaikajika byonse.

74 Ikala washiniinwa pe Lesa. Ikala waketekela, akyo mumuchima obe, waketekela mba akye Kyaambo kya Lesa. Yoba byo ajinga.

Mukazhanji waambile mba, “Kika kyakubula kumufinga Aye mufwe? Kika, lukatazho kyolubena kubailakotu kimye kyonse.”

75 Nga Satana byo atemwa kwikitaya kye pe obewa. “Kika, kechi waikalako bulongo ne panyuma yakukushinga maanyi. Kechi waikalako bulongo kufuma po bakulombejileko basapwishi ne. Aabo basapwishi kechi baoloka ne, patanshitu.” Kechi namambo amusapwishi ne. Kijitu mulwitabilo lweni mwi Lesa mumi, kyokinji nakintu. Kechi namambo abyoanji musapwishi ne; kiji pabyoanji na Lesa. Musapwishi kechi walailepo ne; Lesa ye walaile. Kechi kiji mambo amusapwishi ne; kiji kwi Lesa, ne lwitabilo lobe kuketekela mba amba iye Lesa. Nanchi ikala wanshiniinwa mwi Lesa. Ikala wanshiniinwa mba Lesa, kabiji mba Kyaambo kya Lesa. Kabiji Lesa unji mu Kyaambo Kyanji.

76 Ne Yoba waambile mba, “Obewa ubena kwaamba nobe mwanamukazhi wabula maana.” Waambile mba, “Aye Nkambo wampele, kabiji aye Nkambo wangangata; jitotwe Jizhina ja Nkambo.” Aye wanshinijilwe mba Lesa koanji.

77 Kabiji byoambile kyokyo kufuma pakanwa kanji, bilulumo byatatwile kululuma ne kubyasha byasha kwatatwile. Lesa waishile pookapa. Kimye kyonse witwa pakifulo pa beenakumweka bintu. Aye wazhindamine kimye kyabaya.

⁷⁸ Abyo byo abena kuuba. Ingi talai pajije jibumba bena America babena kuya-kugehena, bakafutufutu-baya ku kipwilo. Amiwa kechi nazhingila ne. Bino bundengamambo buzhingijisha muntu yense uji bulongo na Lesa. Kechi kuzhingijila kyaalo ne, kechi kuzhingijila bantu ne, pakuba nazhingijila diabola ao walengela abye bintu kupofula menso abantu.

⁷⁹ Abo bakafunga ne basapwishi bampofuka menso balekai batwajijile naao mafujisho alengwa nabantu amasukuulu abyambo bya lesa. Mwafwainwa kusemwa jibiji. Kabiji Lesa ulama Kyaambo Kyanji. Pakumumona byo abena kutwala bantu mungi. Kyawama kunshiniinwa mba Lesa koanji. “Kwikala namusango wabulesa, ne kunkana Bulume bwaa.”

⁸⁰ Awe muyanji, mwanamukazhi wamubiji wakepa, aye wayukile mba Ye Lesa. Byooka amwa mu kamulondo byo mwailenga nakupwa, nakupwa, nakupwa, bintu byaijilengakotu nakutama na kutama, kimye kyonsetu. Bino Lesa wikiswishishenga kubiwa byobya. Aye witemwa kuba byobya. Aye watemwa kubika lwitabilo lobe mulweseko, pakuba mba amone byowakonsha kuba pakikye, wa kuleka bakushinga maanyi ne kukulombelela, popo kyabailako nekubaya. Waambile mba, “Yaanga, Satana, kamubike palweseko. Nayuka wanketekela Amiwa.” Totai Lesa myaka nemyaka! Oo, ami! [Mulongo Branham wapopwela maboko anji jibiji—Waku.] “Mubikai pa lweseko pano. Nayuka mba watolele Mambo Ami pakikye.” Bushe Aye wakonsha kwaamba bibye kutazha kwi obewa nyi?

⁸¹ Aye waambile kyokyo pe Yoba. Waambile mba, “Uba kiji kyonse kwiaye kyo ukeba kuuba, bino kukwata pa bumi bwanji ne, mambo Nayuka watemwa Ami. Walambwile milambo yakusooka. Aye wafikizha byonse bikebewa. Wauba byo Namubuujile kuuba, kabiji wikiketekela. Pano mwalang’anyai pa makala inge ubena kukeba.” Wamwangachile byonse. Lesa wibivuzhizhe bibiji pakimo kimye kyo Amubwezhejilepo. Kiine, Aye ukekyuba.

⁸² Ubiika lwitabilo lwentu pa kwesekwa, pakuba mba amone kana twaketekela mba Aye ye Lesa.

⁸³ Awa mwanamukazhi wakepa mubiji, kechi kyakuzhinauka ne, waambile mba, “Nakulomba. Na kulomba. Nayuka Ami Gentila kechi nafikilamo ne.”

⁸⁴ Vulukai, Yesu waambilepo pe aye mu Baibolo. Waambile mba, “Nanchi kechi kwanjinga ba bintuzhi bavula mumoba akwa Elaija nenyi? Bino wamutuminetu ku uumo, neaye wajinga Gentila.”

⁸⁵ “Oo,” waambile mba, “Nalomba.” Kapapo, byoamwene aka kashikwa kakacheche kapelako, lufu lwatwelele kukibelo kya muzhi kabiji lwafika ne pakibelo. Kunjapotu jimo,

kakibense, nishi aye ne mwaananyi wamulume kekufwa. Mbena kumona, bufuku bonse, nakulomba, mweela wankyuya saabena kupumpa, ne ntanda yaumine, ne bantu kujila kabiji ne mabingo mumikwaakwa. Waendelenga nakuzhokoloka, mooka munzubu. Wantala pamwaananyi wamulume. Watala pa bya kumwala byakulajilamo; pano ke byabaya pakwibimvwala, mauulu anji anyana. Watala pamaboko anji, kemikafitu. Waendaukilenga kuya palutwe ne panyuma, bino waambile mba, “Nayuka mba Ye Lesa. Npawisha kala bya kwisolola byami byonse. Nauba byonse byo Akebejile. Amiwa mbena kwipuzha pa bumi bwentu, na mambo alukumo Lwanji.” Lesa wa mumwene.

⁸⁶ Banshala bailengatu na kuzha kumazha akatampe kuntu kukwaabo, nakwiwamisha abo bene, saababena kumoona bikope bya ma televizhoni, nangwa kintu kimo, saababila mwaila ntanda. Pakuba awa mwanamukazhi wanjigatu bunke na Lesa.

⁸⁷ Munte yense kechi bajingapo nabyaakuba ne. Waambile mba, “Mwaana wamuheche waakisha bufuku bonse na kujijila byakunja. Pano Nsaakuba byepi nakako kamukono kamo kabunga?”

⁸⁸ Mwayuka, abwa bunga bwanjanga Kilishitu. Yensetu wafunda Baibolo wayuka mba Kilishitu yeyewa Mulambo-wabunga. Kabiji awa mulambo wabunga bwapelelwe nampelo yawama, neabo, poso tonse tuseke twavingankana; mambo Yesu Kilishitu ye umotu, keesha, leelo myaka ne myaka. Kabiji yense waitabila waketekela kyokyo kabiji ne kukokolokela peakyo. Aleluya! Mwakonsha kwikala na bwankala, bupopweeshi bwauba munyango inge mukeba. Pakuba ami, Naketekela Kilishitu yeumotu keesha, leelo, ne myaka yonse. Nyimeno yami ne ilumbulula mu ntanda yoonse ku bantu babula kumuyuka. Amiwa nankiketekela mba Ye umotu keesha, leelo, ne myaka yonse.

⁸⁹ Aya mpeelo isansaula nkanji konse mu musango umontu, mambo Aye ye umotu. Ye Lesa umotu uji byooka byo ajinga kunyuma, Aye byobyo anji nepano, lukeelo luno. Aye kimye kyonse ukekalangatu kimo. Amo imo abwa bunga mobwatajile.

⁹⁰ Kabiji maanyi alumbulula ke Mupashi, byoka byo twayuka mwaila Ezikyo 4, ne bikwabotu. Oene mambo otushingila maanyi; ke Mupashi. Akyo kyo kika? Nobe byoka Yoano Wazhila 4, “Abo bo bakeba ba Taata amba Bampopwele mu Mupashi ne mu Bukiine.” Yesu wajinga Bukiine. Aye wajinga mulambo-wabunga, kabiji aao maanyi ajinga Mupashi. Kabiji Mupashi, kuvwangakana na Bukine, kyafwainwa kuletapo kintu kimo. Bivwangai pomo, kilenga shinkwa. Oo!

⁹¹ Nga lwitabilo lobe lunjipi? Umvwe Kyaambo kya Lesa kyasapwilwa mukwikepesha Kwakyo, bino nangwa saakiji Mubulume Bwakyo, amba Yesu Kilishitu ujitu pamo keesha,

leelo, myaka ne myaka, kabiji Kyaambo kyaila mu Bunga, uji na Maanyi akuvwangakanya Naabo. Kya konsha kwikalatu kamukono kacheche, nangwa mujishotu umo, bino, nangwa kikale byepi, kya bukiine.

⁹² Pano bwanengezhiwa ka? Kyaanengezhiwa musalabo. Kyaanengezhiwa kitapisho-kyakwipaana. Abyo byo wafwainwa kuuba. Inge Kyaambo kya sapwilwa, kabiji unji nena Mupashi kabiji Byavwangakana pamo, ke kitapisho-kyakwipaana kya kunkaana misongo yonse, ne ku kaana misongo inji yonse, ne ku kaana kintu kyonse kypusanako na Kyaambo kya Lesa, ne kubwela waimana poka.

⁹³ Aye dokotala waamba mba *akye, akya*, nangwatu *kikwaabo*; kechi kipanapo lupusano nangwa lucheche ne. Obewa waimena poka Peakyo, mambo Lesa waambile byobyoyo. Abwa Bunga bwaiya. Unji nena Maanyi. Mwibivwangakanya Abyo pamo.

⁹⁴ Pano, Naumvwa jiji. Papichiletu kimye kicheche kufuma pasaamijile juba. Jiwi jaamba, kabiji jaambile mba, “Lupuka pangye yalubaza ukatoole tusala tubiji.” Bushe mwanjikumona, Kinembelo kyaamba mba “tusala tubiji nyi?” Ke musalabo. Mwanamukazhi wajinga na bunga nena maanyi, pano usakwitwa, amba engijilepo; engile nabyo. Nangwatu bunji byepi, Bunga bwavula byepi nangwa Maanyi mwaila kipimo kyakebelo yobe, nangwa byokabyo wafwainwa kwingijilapo; kitapisho-kyakwipaana.

⁹⁵ Nsala ibiji. Mubimye bya kala kechi kwajingapo jishinda jawama ja kubazhilamo mujilo ne. Inge watola lunsala ne kusingibika pa lunsala mukwabo, wanteemesha pakachi, wanteemesha bukijibukiji kumpelo ya nsala. Bena India baambula mujilo wabo. Amiwa na mwaambulapo kala, bimye byavula, bufuku bonse. Kisenda kimye kyaabaya, kabiji ankye *anje* jishinda, kabiji mukwabo *anja* jishinda, kabiji watwajijilatu na kusonselapo akwe mujilo nakuteema.

⁹⁶ Awa lunsala wajinga musalabo. “Nsala ibiji,” byo byaamba Baibolo. Jiwi jaambile mba, “Yaanga upite mulubaza ukatole nsala ibiji.” Pakimye kimotu, pa mutumba, pajinga jiwi ja lulumine jaishile kwi ngauzhi ne kwaamba mba, “Yanga mumuzhi. Nakambizha.” Oo, ami! Bonse babiji bakokenjile. Kintukimo kyafwainwa kumweka. Bonse babiji bakokejilenga.

⁹⁷ Inge musapwishi wasapwila Kyaambo, kabiji ne yewa muntu Wikiteleka wi Kiketekela ne kwingijilapo pe Akyo, kintu kimo kyafwainwa kuubiwa. Inge windengamambo, wafwainwa kapuluka. Inge wakolwa, ukatambula lubuko, mambo Lesa wikilaile, umvwe twanshiniinwa pe Lesa.

⁹⁸ Kiine byoka byo Anji ye Lesa, Wafwainwa kulama Kyaambo Kyanji. Kiine! Nanchi mukambizho wajinga, “Yanga mumuzhi, mambo Nakambizha mwanamukazhi kituzhi.” Kimwesho kya mwekele kwi ngauzhi. Ke eye nekwiya, nakwenda. Aye kechi

wayukile ne koayilenga ne; akyo kechi kyalengejile kupusanako ne. Aye ubena kukokelatu.

⁹⁹ Mwanamukazhi kechi wayukile ne kwakutaina nsala ne, pakuba kwajinga nsala ibiji mulubaza kuntu kumo. Byobyo atatwileko. Walupukile mulubaza. Waakeketa kuzhokoloka, “Oo, ngakukaba!” Minteto kufuma mumuzhi, beenda kishishi bufuku kebeye kokakwa, saabenda nakushupikwa, na kutooma waini wabo, ne bikwabotu. Wakeketa moka mumukwaakwa. Kumonamo nangwa kimo ne. Wantaana lunsala umo; lubaanji lwa musalabo, kitapisho-kyakwipaana. Wantoola mukwaabo, lunsala. Kabiji byoatolele wabubiji. . .

¹⁰⁰ Oo, jajinga juba jakubula nekuketekela, lufu kelufwenye ne pakibelo. Mwine ne mwaananyi wamulume bafwaijilwetu kunja kakipivwa kacheche kashinkwa ne kufwa bafwa. Abyo byo kyajingatu. Kabiji kimye kimo, moka mukachi kalukatazho, momotuvwa jiwi.

¹⁰¹ Byo atolele lunsala wabubiji nekutampa kwaluluka, kwanjinga jiwi jaishile kukibelo, jaambile mba, “Ndetelepo tumeema pansanyi.”

¹⁰² Waalukile mba mone, naiye nsala ibiji mumaboko anji, ne bunga ne maanyi byavwangilwa jimo ne kunengezhiwa. Waambile mba nanengezhezha jimo, kuvwangwilwa jimo. Akyo kyo kika, ke Kyaambo ne Mupashi, byafwainwa kuvwangwilwa pamo. Laala pa musalabo wakitapisho-kyakwipaana, ku kaana kiji kyonse kyapusanako nakyokya kyo waipuzha. Abyo ibyo. “Nanji kuvwangakanya, pano Mbena kuya nakutola iye nsala.”

Kabiji anja jiwi jaambile mba, “Ndetelepo tu meema ntome, pa nsanyi.”

¹⁰³ Watajisha, ne kumona mwaanamulume waimana, washakamina pa kachi kakibelo, kamubanga-kacheche, ne myevu, muntwe-wakipala, ubena kutajisha pakibelo kyasakwa, kabiji unji nena kamwayi ka kala kamukooko koekumbankanya. Wamwekelega awa mukulumpe mwaanamulume nobe waantajilo-yalusa.

¹⁰⁴ Waambile mba, “Nsaakwabana meema ami neobewa.” Meema Abumi, ubena kuswa kwibupana kuuji yense, ne kubuula unji yense, kuya kuji konse. “Kakimye kachechetu, mwane.” Watatula kubweela, na nsala mumaboko anji.

¹⁰⁵ Kabiji jiwi jalulumine ne jikwabo, “Kechi kumpapotu meema oka ne, pakuba ndetelepo ne kashinkwa kacheche mu kuboko kobe.” Shinkwa wabumi; meema abumi! Ajinga abumi nyi? Wafwaijilwe kufwa aku bipwatu. “Ndetelepo meema kabiji ndetelepo ne shinkwa obe.”

¹⁰⁶ Twatanapo ka papo? Ing’anyi lufujisho lotwakonsha kutanapo? “Fundai patanshi kusakisha Bufumu bwa Lesa, ne bololoke bwabo; byashala biketubikilwapo.”

“Ndetelepo tumeema ne kalondo kashinkwa.”

¹⁰⁷ Pano waaluluka, saakokelela. Mbena kumuvwa saamba mba, “Mwane,” kintu kimo nobe bibye, “wapusanako na baanabalume bo Namonapo, ne baanabalume bo Ng’uvwa kwamba. Wamweka kwikala wanshininwa na kyo ubena kwaamba. Bino Njitu nabunga, mukono umo, ne mujisho umo wa maanyi. Nebunengezhezha jimo, kabiji mbena kuya na kuteeka naiye nsala ibiji. Kabiji ne kwi Kanja, ami ne mwaanami, kabiji ne kufwa tu fwe. Tookato tojipo Nato.”

¹⁰⁸ Kika kyotwauvwa, nanchi pano, kyalondelapo? “Pano, ndetelepo kashinkwa, pantanshi.” Lesa, pantanshi. Nangwa muntu mukwabo ambe byepi, kitu kikwabo kiji kyonse, nangwa paji bukamonyi bwabyepi, nangwa kimweke nobe bintu pobyapelela, nangwa kikale byepi, senda Lesa, pantanshi. Kyaambo Kyanji, kikale kintanshi.

¹⁰⁹ “Dokotala waambile mba kechi Nakonsha kwikala bulongo ne.” Bino, Kyaambo Kyanji, kikale kintanshi. “Amiwa nakilamo bundengamambo. Amiwa ne njiule. Amiwa nakilamo kunta ngyuka. Amiwa ne kintomi.”

Kyaambo kya Lesa, pantashi. “Nangwa mambo obe achilatu ngee, akekala keatooka too nobe mabeebe amashika; achilatu nobe mashi, akekalatu atooka nobe booya bwa mukooko.” Pantashi, Lesa.

¹¹⁰ “Yaanga, ndetelepo kashinkwa, pantashi. Byonse byouji nabyo, ndetele.” Winengezha kumupa mumaboko Anji nyi?

¹¹¹ Bumi bwami, byonse Byonji. Amiwa njina myaka fiifite. “Obewa ubena kuswa, William Branham, kwikipaana kwi Ami nyi? Obewa ubena kuswa, anweba twaana twa tucheche, kupaana bumi bobo kwi Ami nyi? Obewa ubena kuswa nyi? Mwakonsha kwikyuuba, anweba bantu mwakolwa nyi? Mwakonsha kunketekela Ami nyi? Ami Umbike pantashi.”

¹¹² “Ndetele kalondo kashinkwa mukuboko kobe, kabiji undetelepo tu meema.” Aye wamutajile. Pajipo kintu kimo kyamubuujile mba awa muntu wayuka kyoabena kwambapo.

Lesa wayuka Banji Mwiine. “Mikoko... Yami mikoko yumvwa Jiwi Jami. Abo bayuka kana kya Bukinembelo nyi nangwa ine, kana kiji bulongo nyi nangwa ine.”

¹¹³ Aye waalulukile, mulukokelo. Abyo byo wafwainwa kuuba. Kabiji byo aalulukile, mu kukokela byaamba ngauzhi amba obe, pano popaishile kilulumo kufuma Mwiulu, amba muntu yense utala mba teeke. Mambo, kwaishile kilulumo kufuma mujiwi jakwa ngauzhi, ajo ndengamambo yense ne yense muntu wakolwa joakebesha kunvwa, “BYO BYAAMBA AYE NKAMBO.”

¹¹⁴ Byo tunsakisha kwi junvwa Anje! Ngaa bantu byo beekala mwakupishisha motoka, ne kwaamba mba, “Iya kukino kibelo.

Mwaanami wamukazhi uji *mukyokya*. Mwaanami walunkeke, ami, wa bweela bingi panshi. Aambatu kyaambo.” Wakonsha kwikyaamba byeepe sakikyangye kwikala mukanwa kobe? Keobewa mwine ubeena kwikyamba. Bino bansakisha bingi kwikyuvwa mba, “BYO BYAAMBA AYE NKAMBO.”

¹¹⁵ Byobyoby kyaishile, kukilang’anya pansakwa, mambo wakojejilenga. Kabiji ne kyakupelelwa kypawile. “BYO BYAAMBA AYE NKAMBO. Mukamulondo kechi bukapwemo ne, nangwa mubootolo kechi akapwamo ne, kufika ne ku juba jo akatuma mvula panopanshi.” Oo, ngalutekenesho lwa baya bibye!

¹¹⁶ Watekele shinkwa. Wapaine ku ngauzhi. Wabwelele na kuteeka bya mwaana ne byanji mwiine. Kabiji banjile ne kuntoma, byavula, pano panshi.

¹¹⁷ Byafumine kweepe? Kabiji byaishile byepi? Mwayilasayasi mbulai kwafumine bobwa bunga. Nga aa maanyi afumine kweepe? Ngaatwelele byeepe mu bootolo? Wapwishishenga apwamo mwauma, kila lukeelo keelo. Wapwishishengamo mu kalondo kabunga, kila lukeelo keelo, kabiji mwanjiga mwauma. Pakuba byo abwelele nakusendamo akwabo, atanwa moaji. Byafuminenga kweepe? Kusenda Lesa pa Kyaambo Kyanji. Ikala washiniinwa pe Lesa. Aye ye Mulenga.

¹¹⁸ Kapepo mwataya bututulu bwa bumi bwenu. Kapepo mwataya lunvwang’ano lwenu. Aye Musendai pa Kyaambo Kyanji. Ikala washiniinwa mba Aye ye Lesa. Abya bintu bibena kumweka kunkosa luno pakwibitala, kechi byakonsha ku mweka byankosa ne inge mwakonsha kusenda Kyaambo Kyanji kabiji ne kushiniinwa mba Aye ye Lesa.

¹¹⁹ Mu Germany, kimye kimo, Namwene kipikichala, kabiji kufuma pakyokya kimye kyakishala mwiami. Mwina German umo ulenga bya kulenga waalemga...kipikichala kya—kya telwa mba “Ntanda Ya Makumbi.” Kabiji unvwe mwikimona, kufumina paalepako, ke mwekelo yakila-mukutama yabula mutende yo mwabula kumonapo kala. Ke makumbi oba nungakanyatu, inge mubena kwikimona kufumina palepako. Pakuba unvwe mwafwenya peepi nakyoy, kya pipulwako. Ke byaapi byaba Malaika bibena kwipuma puma pamo, saaemba aleluya kwi Nkambo. Nanchi pano kufituluka kimye kimo byo kimweeka. Inge mwikitajisha, pakamusiso kalepako, kimweka kufituluka ne kufita. Pakuba sendai Lesa poka pa Kyaambo Kyanji ne kushiniinwa mba Aye ye Lesa, ne kweenda kubwela peepi neakyo, mukatana mba kebyaapitu byaba Malaika bi-beena kwiipuma mpuma pamo.

¹²⁰ Awa mwanamukazhi wajingatu pepi pamo nobe Abulahama byoajinga, waichilwe kupaana byonse byo anjinga nabyo, ne kubika pakusokela kitapisho. Kaapepo mwaitwa muyewa musango, lukeelo luno. Tayai mashinda enu onse. Tayai kubula

luketekelo konse. Tayai byonse byo muji nabyo. Kabiji pano mutole Maanyi ne Kyaambo, ne kwi Binvwangula pamo, ne kubiika pa kitala kya kusokelapo bukitapisho-bobe. Mukataana mba, Kikeeta Lesa kwiya pokaapa, byoka kiine byo Naimana mu uno puupiti.

Ingi langulukaiyo pakikye byo tunsakulombanga.

¹²¹ Mujipo nakyakukabila leelo nyi? Mujipo nakyakubila akyo kyakila pa bulume bwa bumuntu bwenu pakuba mba mwikitambule nyi? Bushe mwakepelwa mali akulipila ku misonko yenu nyi? Bushe baana babena kukeba masapato akatantaka, kabiji kechi mujipo na mali akwibapotela ne nyi? Bushe kamulondo kobe mwaapwa bintu panzubo yenu, kabiji ne mubootolo kemuye nakupwa nyi? Kechi mwakonsha kupota kanjo kabanyama benu nyi? Kabiji, pajipo, kintu kimo kyalubankana nyi? Vulukai, Aye walaile mulaye.

¹²² Anweba mwakolwa, kabiji ba dokotala babena kwaamba mba mubena kukebatu kwimuutumbula? Kechi mujipo na mali akwingijilapo ne nyi? Muji na kyakunkabila.

¹²³ Wi ndengamambo nyi? Bushe kyakukabila kyobe kikatampe, kyakuyuka mba inge Lesa wakonsha kukwita, leelo, wafwaina kutaika nyi? Bushe obewa wiwabwela munyuma kunyema Lesa nyi? Kabiji mwayuka mba mwi bakukipwilo kimo, bino mwayuka mba kechi muji bulongo nenyi? Milanguluko yobe obe mwine ikubula, moka mwaila Kyaambo, amba kechi unji bulongo ne. Kabiji munji na kyakukabila. Kechi muleke abye byambo biponene mumiba ne, nangwa pa mabwe ne, michima ya bujibwe. Bikoshe kufikila mwawama, mushiji wantemba.

¹²⁴ Inge wakolwa kabiji ne... ba dokotala baamba mba kuba wankosa ne, kabiji wamulaya Lesa amba Aye ukamwingijilanga moba abumi bobe bonse, ne kushiniinwa mba Aye ye Lesa, iya ufikizhe kebeelo Yanji. Inge uji nakyakukabila, kitanshitu usutule kuboko kobe kwi Lesa, amba uji na kyakubila kimo nyi? Lesa emupeshe.

Twayai tulombe.

¹²⁵ Anweba Lesa, kine noobe byoka byo Naimana muno mu puupiti lukeelo luno, Nayuka namba kechi kwakonsha kwikala kuboko kwasutulwa peulu kwakubula Anweba kuyuka ne, mambo Anweba mwi Lesa. Anweba mwaambile mba, "Lelo byaabala byavula kechi bipotwa na bapenyi babiji nenyi? Pano ngaanweba kemwaanema kukila byaabala nyi!" Pano ibyepi Anweba ke mwakila kumona maboko aababo bantu ne nyi, Aabo Mwanenu Yesu boafwijile! Ngabyepi kechi kyakukilapo Anweba kumona maboko abo kukila Anweba byo mwakonsha kumona kyaabala, inge waapona lukeelo luno! Naketekela mambo... kuvula kwabyaabala kuuba kwa potewa penyi umo lukeelo luno ne, mambo kechi pajipo wakwibakeba ne. Kwakonsha kwikala lukatazho lwa kwibazhiika. Nangwa yokabyo Anweba

mwibayuka bonse; Anweba mwayuka jiyoono jonse jiji kumubiji wabo. Mwayuka lusuki yense uji mumutwe wentu.

¹²⁶ Anweba Lesa, kumbulai milombelo. Balekai bashininwe, lukeelo luno, amba Anweba mwi Lesa, kabiji Ke Mupashi Wenu. Lekai ku kankalwa kwabo ne buwame bwakumeso bwa bupopweshi bupya-bwaano moba bufume peabo, kwaamba mba, “Oo, Amiwa ne wa ku *kyokya* kipwilo.” Lesa, lekai abya bifume mumilanguluko yabo, ponka pano. Mukino kimye kimo, lekai bamone mwekelo ya Bumi Bwapee. Kabiji nanchi poobakakeba ne kunvwa nzala Yabo, kuyuka Lesa yemuka, kabiji bashiniinwa amba Aye iye. Ulama Kyaambo Kyanji.

¹²⁷ Kundengamambo, lekai balapile bukijibukiji, ne kwinengezha kubatizhiwa mu Jizhina ja Yesu Kilishitu. Kabiji Mwalaila mba Anweba mukebapa Mupashi Wazhila. Mwikyaambile kye, Nkambo. Anweba mulama mulaye Wenu.

¹²⁸ Kujipo umo ao wabwela munyuma washiniinwa amba Anweba mwi Lesa, kabiji bafumako baaya mungi. Lekai beye leelo, mambo Mwaambile mba, “Nangwa mambo enu achilatu ngee, akekala ke atokatu too nobe sino. Nangwa achila nobe mashi, akekala ke pamo nobe booya bwa mukooko.”

¹²⁹ Kabiji unvwe paji bamo bakolwa, lekai bavuluke mba Anweba mwi Lesa. Anweba mulama Kyaambo Kyenu. Mwafwainwa kulama Kyaambo Kyenu. Byoka byo bepaana abo bene, na Maanyi abo, Mupashi unji mwiabo ao ubena kunshimuna mba baketekela. Nanchi pano, neabo, na Kyaambo, ye shinkwa wa Bumi abwa bwalupukile, Kilishitu; aabo bobampela, mu Lulayang’no Lwakala; kabiji mu Lulayang’ano Lupya, pa kumweshwa mba Aye ye umotu keesha, leelo, ne myaka yonse. Lekai banvwange Kyaambo na Maanyi, Mupashi, amba baji, nanchi bemane beye ku kitapisho, kwaamba mba, “Abye byobyoka byonji Nabyo, Nkambo. Nekileta.”

Oo, jishinda jo Mukebivuzhizhamo! Byo kyakonsha kwiita Lesa wajishimikila kumuleta pa kyokino kimye! Byo kyakonsha kulengela Yehoba kwimana, na muchima ubena kuvimba, amba, “Njina mwaana ao ukankokela Amiwa. Namubiika kupita mulweseko, kabiji neaye washininwa mba waatemwa Ami ne ku ketekela Ami. Aye washiniinwa mba Amiwa yami iye.” Mambo kyambiwa mba, “Aye wiya kwi Lesa kyafwainwa aye etabe mba aye Koaji, kabiji amba Aye yeufweta boba ba Mukebesha.” Kiswishayi kye, uno awala, byo tubena kwikifikizha kwi Anweba.

¹³⁰ Kabiji, pano, kimye kyo twakunyika mitwe yentu. kabiji ne bonse ba bena kukabila kiji kyonse, mwakonsha kwimanako, abo babena kukeba kubiika. . . Bino, inge kechi mwashiniinwa ne mba Aye ye Lesa. . . Inge mwashiniinwa mba Aye ye Lesa, usakulama mulaye Wanji, lupulukilo, lubuko, ne nangwa kile kyabyepi, inge washiniinwa mba Aye ye Lesa, imanai. Inge

muji na muntu umo ao ye mubena kukeba kulombelela, imanai. Inge wa—inge washininwa mba Aye ye Lesa, ku kabila kobe kuyukanyikwe mujibumba ja bazhijikwa. Ubena kwikyuba kino kimye kyo waimana . . . [Kafwapo kiji pa tepu ne—Waku.]

“Amiwa nashininwa mba Aye ye Lesa. Naketekela mba Aye ulama Kyaambo Kyanji. Kabiji Amiwa nashiniinwa mba kukabila kwami . . . Nsaakwikubika pa Mashi, poka pano.” Inge wauba kyokyo, taaya bubi bonse, bonse . . . Bubi ke kubula kuketekela. Wakonsha kwikala membala wakipwilo, pakuba Amiwa mbena kutazha kububi, “kubula kwitabila kobe.” Ubena kwilulajika panshi nobe kitapisho. Ubena kwikipaana bukitapisho. Ubena kwiya kumusalabo. Ubena kwikipaana ke kitapisho, bino, kubula luketekelo kobe konse. Kabiji ne kwikipaana kwiaye, kabiji ne kuyuka mba Aye iye, ne obewa washiniinwa mba Aye usaakupana mukumbu. Inge wiwakyokyo, sutula kuboko kobe. Shala muyekao musango.

¹³¹ Nkambo, Anweba mwi Lesa. Aapo popaji Maanyi abo ne Bunga, kunvwaangakanya byonse pamo. Abo babena Kwikileta pa musalabo, apo Mujilo wakwa Lesa po akaponena mumichima yabo (inge kine mobabena kwikitazha mo) kabiji ne kusooka akya kitapisho. Anweba musakwiya kushikwapo, ichilai meema afyamika. Kwiya kufuma Mwiulu, mu kalaki wa Mujilo. Anweba mukasukanya meulu onse ne ntanda, kwibafweta.

¹³² Byoka byo baimana ne maboko abo saasutulwa mwiulu, kibena kumwesa mba baketekela, kabiji bebika abo beene, ne byakukabila byonse byobajinabyo, poka pa kitapisho Kyenu. Anweba Lesa wa Mwiulu ne panshi, chibishi wamambo wa bya Mwiulu ne pantanda, kine Mutonyi Wamwiulu ne pano pantanda aye ukachiba mambo nabololoke. Kiine Aye ukalama Kyaambo Kyanji, Anweba Mwayuka michima yabaanabalume, michima ya banabakazhi, michima ya babo bantu.

¹³³ Nkambo Lesa, ne Amiwa nasutula maboko ami, mambo Nayuka mba Njina lupipu lwang’ingijilo pano. Kabiji Naketekela amba Anweba yenu iye. Amiwa nemumona Anweba samwaimana mu Mumbulungwa wa Mujilo. [Mulongo Branham wakonkosa ha pupiti jisatu—Waku.] Amiwa nemumona Anweba kupalanguzha byafyamika bya mu michima ya bantu. Kechi mwakakalwapo Anweba nangwa jimotu ne. Anweba mwikilaile byo mwikyubile kookwa, ku kilang’anya mukwaakwa papo, kimye kitanshi Anweba byo mwatatwile kwingila abye bitu. Kabiji Anweba mwaapa bukikizhi kuzhokoloka ino ntanda, ne kuzhokoloka ne kuzhokoloka. Amiwa nashiniinwa mba Anweba mwi Lesa. Amiwa kechi njina luzhinauko nakyo kyo ne.

¹³⁴ Neevana amiwa mwine nababo bantu, kabiji nekupaana bukitapisho kya byonse byo Njiinabyo, Nkambo, kwi Anweba, mukwingila mwingilo. Mbena kutatula jibiji, Nkambo,

kuzhokoloka kyaalo kyonse kyapanshi. Kwashayi ami, Anweba Lesa. Inge kimye kimo Nabujile kwimuketela Anweba, ndekelaiko bubi bwaami. Ndekelaiko mambo pakubula luketekelo lwaami. Nayuka mba anweba Yenu iye, kabiji yenu mufweeta bonse Bemukebesha.

¹³⁵ Nobe byokabyo, Naapana bubi bwa bantu bami, lukeelo luno, mukunekena kwabo ne mukuzhinauka kwabo, byooka byo baimana na maboko abo asutulwa mwiulu. Nasashijila bubi bwaabo, Nkambo, kabiji ne kunekena kwetu konse. Tumai Mupashi Wazhila peatweba, na katetesho kakuswisha Kweenu, amba Anweba yenu Lesa. Kabiji Mujipano na kwitambulwila, ne kwitutwala atweba mumaboko Enu, kabiji ne kwitukuula kubyonse byo twalubankanya. Inge bututulu bwa mibiji yetu, lekai bubwezhiwe pa kitoonta kimo. Inge myeo yetu, lekai iye kwiatweba yatokeshiwa, kipe kibeena kubembela, mwayula Mupashi Wazhila, kyakufikizha ku meso akwa Lesa. Inge kubulwa luketekelo, lekai kitufwainwe jibiji, Nkambo, na lwitabilo lwakututulula mitumba. Kiswishai kye, Nkambo.

¹³⁶ Twaketekela mba Anweba mubena kweenda, Mupashi Wazhila ubena kukumbana mose muno mukinshimikwa, pa bantu bonse, ne mumichima yabo, kwibatangijila mba betabile Lesa mumi. Akye twikyuba mu Jizhina ja Yesu Kilishitu.

Lwitabilo lwami lubena kutala kwi Anweba,
Anweba Mwaanamukoko wa pa Kalvali,
Mupulushi wa Bulesa;
Pano ng'unvwai mu kimye kyo Mbena
kulomba,
Mfumyai bubi bwami bonse,
Nangwa kundekelela ngye mungi
Kufuma kwi Anweba ne.

¹³⁷ Bushe mwashiniinwa nyi? Mwikitambulwila nyi? Sutulaiko kuboko kweenu, ne kwaamba mba, "Amiwa pano ne kitambula kye. Namuketekela Aye."

Kimye bumi bwami kyo Bubena kwenda
mumashinda avula afinshi,
Kabiji bulanda bwazhokoloka ami konse
konse,
Anweba Ikalai Tangi wami;
Fumyai finshi ja leelo,
Fumyai bulanda bwa moyo,
Nangwa kundekelela amiwa ngye mungi
Kufuma kwi Anweba ne.

Twayai tukunyiike mitwe yentu.


¹³⁸ Panyuma yaiye yanshita, Mbila ya koonsa-yakuchibankanyatu; yabwitote, kabiji ne kuletelwa mujishinda ja nkonsa, bino bo Bukine. Kabiji inge waketekela nakwikipesha akya kyo walomba, amba wikitambula, kechi muswishe nangwa

kintu kimo kimufumye mujishinda jaoloka ne. Imana pooka pa. Nangwatu Nakonsha kusapwila byeepi, kyonse kyo Nakonsha kuuba, nangwatu kyonse muntu kyo akonsha kuuba, kechi kikengila ne kanatu wikiswa nobe kipe kyoobe.

¹³⁹ Inge wa ketekela kyokyo na muchima obe yense, kyonse kyo wakeba, inge wisolola bubi bobo, Lesa wakulekelabo. Kechi mwakonsha kwikizhinauka jibiji ne. Inge wiwabwela panyuma, ba kubwezha lukeelo luno. Inge ubena kukeba Mupashi Wazhila, nanchi batizhiwa mu Jizhina ja Yesu Kilishitu mululekelo lwa mambo obe. Akye kyo Kyaambo kya Lesa. Aye kechi Ukekyalulwila kipwilo ne, nangwatu dinominesheni ne, nangwa muntu uji yense ne. Kyafwainwa kwikalatu byokabya. Twafwainwa kufikizha kebelo Yanji, kechi kebelo ya kipwilo ne, kebelo Yanji. Abyo byo twafwainwa kuba.

¹⁴⁰ Aye waambile mba, “Milombelo ya lwitabilo ikamupulusha wakolwa.” Inge wakolwa, Nakulombelela milombelo ya lwitabilo. Wakwiilombelela moka mu muchima obe. Kabiji kiketeekele, ne kwikiswa, imena poka peakyo. Kikekala muyekawa musango. Kapaji nangwa kimo kyakonsha kwikisenda ne, nangwatu kimweke kukosa byepi.

¹⁴¹ Waamba mba, “Kyawama, kyakonsha kumweka nobe Nakikolwatu.” Akyo kechi...Ke byampi byaba Mpungu byapwila pamo. Abyo byobyoka. Ke Lesa mu musango wamapesho. Kimweka kyakosa kwiobewa. Ngibweela pepi pakikye nekutalapo jibiji, ngimona kana kechi Lesa waimana poopa ne, nsaalama Kyaambo Kyanji.

¹⁴² Pano kimye kyo tubena kukunyika mitwe yentu, Mbeni kupaana kutangijila kwi Mulongo Neville, Kafunga wentu. 

IKALA WASHINIINWA PE LESA KDE59-0125
(Be Certain Of God)

Ino Mbila na Mulongo William Marrion Branham, yalupwilwe patanshi mu Kizungu pa Mulungu lukeelo, Kakubokache 25, 1959, ku Branham Tabernacle mu Jeffersonville, Indiana, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org